

بِسْمِ اللَّهِ الرَّحْمَنِ الرَّحِيمِ



## Khutba Jummah

Hazrat Khalifatullah Munir. A. Azim (atba)

09 Octobre 2020  
21 Safar 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

### *Duahs (Invocations) (Pt. 14)*



Alhamdulillah, par la grâce d'Allah, mo pé contigne aujourd'hui 14<sup>ème</sup> partie de mo série de Khutba lors le sujet de bane « *duahs* » (invocations à Allah). Aujourd'hui, mo présente zot bane *duahs* ki Allah fine révèle moi avant et après ki Li fine élève moi comme So élu, kan mo ti encore dans le Jamaat Ahmadiyya et aussi kan mo ti expulsé du *Nizam-e-Jamaat* le 1<sup>er</sup> janvier 2001. Sa l'année là ti ene l'année historique [mémorable], ki pas pou capave bliyé kot le 7 janvier, mo fine gagne quarante ans, et tout saki fine passé dans le domaine de la spiritualité, ainsi ki tous bane persécutions

et bane moqueries fine change mo la vie.

## ENE RÊVE IMPORTANT AU DÉBUT DE NOUVEAU SIÈCLE ISLAMIQUE

Sa faire moi rappelle ene grand rêve ki mo ti faire au début du nouveau 15<sup>ème</sup> siècle Hijri, un an plus tard en novembre 1981. À sa l'époque là, mo ti assez jeune et mo pas ti conner même vraiment à propos calendrier Hijri et ki ene nouveau siècle ti pé ouvert pour moi, comme ene bénédiction mais aussi comme ene la lutte dans le chemin d'Allah ki pou durer toute longue mo la vie.

Mo fine rêver ki quatre grands personnalités en blanc, bien zoli avec zoli la barbes bien fourni et avec bane visages éclairer fine vine dans mo la caze [la caze de mo bane parents] et zot fine assize lors sofa ki ti de différents couleurs. Zot fine vini avec bane nouvelles très importants lors mo la vie, saki pou arrive moi dans l'avenir, mais saki mo rappelle clairement après tous sa bane bananés là [parski à l'époque mo ti bien jeune et mo pas ti pé note mo bane rêves], c'est ki zot fine annonce moi ki mo pou passe dans beaucoup épreuves, difficultés, bane grands grands obstacles ki mo bizin traverser dans mo la vie mais ki faudé pas mo tracasser parski Allah pou enlève tous sa bane obstacles là et pou avec moi. Depuis ki mo fine faire sa rêve là, mo ti bien affecter, angoisser [paniquer] par sa et mo fine hésiter pou raconte sa kikaine. Après ki mo fine alle raconte sa finalement avec ene de mo bane voisin musulman, ki ti très bon et respectable et ki ti ena ene l'affection profond pou moi, alors sa dimoune là fine émerveillé par saki mo fine raconte li et li fine trouver ki sa ene grand rêve et ki mo ene de bane dimounes ki Allah fine accorde So faveur. Li fine dire moi ki c'est pour sa ki li ti content moi beaucoup. Li fine encourage moi pou alle raconte sa mo bane parents. Kan mo fine raconte sa mo mama, li fine gagne beaucoup tracas et fine dire moi tire ene *Sadqua* et fer *duahs* [et mo fine fer saki li fine dire moi faire]. Quant à mo papa, kan li fine tende sa rêve là, li fine faire ene sourire et fine donne moi ene tel réconfort ki tous mo bane tracas fine envolé instantanément. Li fine dire moi ki sa en effet li ene grand rêve ki mo fine faire, mais li fine dire moi kifaire mo bizin gagne tracas parski, eski sa bane personnalités là [en d'autres mots, bane anges] pas fine dire ki Allah pour toujours avec moi?

C'était donc ene de bane rêves ki pli importants ki mo fine trouver dans mo jeunesse, avant ki Allah élève moi comme So serviteur. Et Allah fine continuer donne moi bane vrais rêves et visions, ki mo pas ti comprend à lépok, mais petit à petit kan So Manifestation Divine fine touche moi d'ene façon ki jamais auparavant mo fine témoigner, alors ki mo ti pé approcher avec mo l'âge de

quarante ans, Allah fine démontré ene grand l'amour et fine aide moi dans bane grands façons, pareil couma Li fine promette, malgré bane l'attaques ki ti ena [et ki toujours ena] contre mo l'honneur et mo dignité en tant ki ene *Dai-Illallah*, en tant ki ene travailleur et missionnaire de l'Islam Ahmadiyyat. Pendant sa bane moments difficiles là avec bane complots pervers d'ene soi-disant [maintenant ex] Amir avec bane dimounes ki ti autour de lui, Allah fine révèle moi beaucoup de bane *duahs* pour reconforte mo l'âme.

### **L'ÉVOLUTION D'ENE NOUVEAU MANIFESTATION DIVINE DANS TOURNANT D'ENE NOUVEAU SIÈCLE**

Le fait ki li fine croire dans bane révélations divines ki mo ti pé recevoir à l'époque, mo frère Zafrullah Domun Sahib ti vine également la cible de bane moquerie, bane bouffonnerie et bane *Ghibbat* [palabres/ médisances] de bane dimounes de nous propre communauté religieux [Jamaat]. Zot pas fine manque ene l'occasion pou moque de nous, exprimant clairement zot la haine et zot jalousie. De ce fait, sa bane *duahs* et révélations là ti vini couma ene remède, ene réconfort pour nous les cœurs. Allah fine déverse So la pluie de bénédictions et fine montré ene soutien extraordinaire.

Mo pas capave mentionne tous sa bane *duahs* là parski zot longues et capave étendre dans plusieurs Khutbas. Mais mo envie partage avec zot certains d'entre zot ki, mo espérer, pou d'ene grand utilité pou zot dans zot la vie de tous les jours, et ki Allah reconforte zot après ki zot invoque Li à travers sa bane *duahs* là. Certains de sa bane *duahs* là zot bane *duahs* ki trouve dans Quran Shareef, bane *duahs* de nous bien-aimé prophète Muhammad (saws) et certains ti même bane *duahs* du Messie Promis (as) mais au moment ki mo ti pé recevoir sa bane *duahs* là, zot ti inconnu et nouveau pour moi, sa ti ene trésor de spiritualité, et sa jusqu'à présent.

Bane révélations ki Allah fine révèle moi, fine déverser lors moi – couma ene la pluie de bénédictions – fine vini couma ene remède, ene réconfort pour mo l'âme parski à sa l'épok-là, mo ti gagne étiquette de menteur, fou et malade par bane dimounes ki autrefois ti pé félicite moi pour mo dévouement pour la cause de l'Islam et de l'Ahmadiyyat. Mo fine être expulsé du *Nizam-e-Jamaat* Ahmadiyya par ene dimoune ki mo ti ena beaucoup l'amour et respect, c'est-à-dire, feu Hazrat Mirza Tahir Ahmad Sahib. Mais selman li fine base li lors fausse rapport de

so Amir et fine mette ene serviteur innocent d'Allah, et celui ki fine croire dans li [en dehors du *Nizam-e-Jamaat*] et fine traite li comme ene dimoune stupide parski li fine croire dans bane révélations ki mo recevoir de la part d'Allah. Le quatrième calife (Ki Allah pardonne li) fine qualifié sa bane révélations divines de « *so-called revelations* » et fine envoie malédiction lors nous. Sa fine personnellement affecté moi d'ene façon ki mo pas capave décrire. Mais avec la manifestation divine de sa nouveau siècle là, Allah fine faire ene distinction claire entre la vérité et le mensonge, entre mo bane vrais camarades et bane ki ti camarades seulement que de nom [zis lors la lèvres]. Malgré ki sa ti bien affecter moi, mais Allah fine montré ene soutien extraordinaire.

Ainsi, mo Rab fine révèle moi bane telles révélations et *duahs*, et sa jusqu'à aujourd'hui pour reconforte moi et soutenir moi, et pour montrer So présence avec moi parski c'est Li ki fine élève moi comme So Messenger Choisi.

Alors, mo bane chers frères, sœurs et zenfants, sa faire moi plaisir pou présente zot sa bane *duahs* là et zot ena en effet la chance pou gagne sa et sa capave aide zot dans zot vie de tous les jours, si ou ouler vraiment boire à la fontaine de sa bane bénédictions divines et la grâce ki vine du Ciel, *Insha-Allah*.

### **RÉVÉLATIONS, VISIONS & DUAHS**

**La Maqsooda Illallah** – *Pena aucaine l'autre destination excepter Allah.*

**La Mabooda bil haqq illallah** – *Pena personne à adorer en vérité à part Allah.*  
(Recevoir le 31 mars 2000)

Kan mo ti pé faire *Zikr*, mo fine rentre dans ene *Kashaf* (vision) kot mo trouve ene kikaine en blanc pé donne moi l'instruction pou récite :

**Rabbin surni bi Rahmatika. Rabbin surni bi Fazlikal Azim. Rabbin surni bi Ruh'il Quddus, Ayidini bil Quddus.**

*Ô mo Maître, support moi avec To la Grâce. Ô mo Maître, support moi avec To Faveur Immense. Ô mo Maître, support moi avec le Saint Esprit...* (Recevoir le 3 avril 2000)

## APRÈS NOUS EXPULSION DU NIZAM-E-JAMAAT AHMADIYYA AU DÉBUT DE LA MANIFESTATION DIVINE.

Le 1<sup>er</sup> Janvier 2001, mo pas ti conner ki fine expulser nous du Jamaat à cause mo gagne révélations. Ti faire ene grand Amila après Namaz Zuhr et sa jour là mo ti alle Namaz Zuhr, mo pas ti pé senti moi bien. Après Namaz Zuhr, mo fine faire mo Namaz Asr tousel et ensuite mo fine dessane enba. Mo fine alors trouve plusieurs membres Amila et zot so-called Amir, et personne pas fine cause avec moi et reponne mo *Salaam* malgré ki mo fine fer *Salaam* fort. Zot ti pé guette moi avec ene drôle de regard. Deux jours de sa, mo ti sorti Rodrigues en mission pou trois mois et rentre Maurice, et kan d'habitude ena Amila Centrale, mo être convoquer pour le Amila, mais sa jour là, mo pas être convoquer et mo pas ti conner même ki fine arrive moi. C'est nek le soir après Salat-ul-Esha ki mo fine apprane par Zafrullah Domun Sahib ki moi et li, nous tous les deux fine expulser du Jamaat Ahmadiyya, et mo ti pé travail pour Jamaat Ahmadiyya depi 1987 [le 12 Novembre], ziska 30 Décembre 2000, et le 1<sup>er</sup> Janvier 2001 mo en dehors du *Nizam-e-Jamaat*, sans aucaine préavis de trois mois d'après la loi et mo temps service. Et lors là, mo lettre expulsion aussi mo pas recevoir !

Si Allah (swt) pas ti à nous côté et supporte nous, bé nous ti pour souffert beaucoup, mais *Alhamdulillah*, Allah (swt) fine donne nous la richesse divine, et sa jour là, vers 9.15pm le soir (1<sup>er</sup> Janvier 2001), Allah révèle moi :

**Al-Qudratu Lillah** – *Tous pouvoirs appartenir à Allah.*

**Al-Izzatu Lillah** – *Tous bane l'honneurs pou Allah.*

**Al-Hukmu Lillah** – *Tous bane jugements appartenir à Allah.*

**Laa Ghaaliba Illallah** – *Personne pas pou victorieux aparte Allah.*

**Allahumma Maalikal Mulki tu'til Mulka man tashaa'u wa tanzi'ul Mulka mimman tashaaa. Wa tu'izzu man tashaa; biyadikal Khayr. Innaka alaa kulli shay'in Qadiir.**

*Ô Allah, Maître de l'autorité absolu. To donne l'autorité à celui ki To ouler, et To enlève l'autorité de celui ki To ouler; et To donne la puissance [l'honneur] à celui ki To ouler, et To humilier celui ki To ouler. Tout le bien trouve dans To la main et To ena pouvoir lors tout kitchose.*

Larmes couler couma robinet kan sa *duah* là pé déssane et mo pé trembler. Allah révèle moi toute suite :

**Innallaaha yarzuqu mayy-yashaa-u bi-gayri hisaab. Aama-nusbiruu wa saabiruu wa raabituu. Wattaqullaha la-allakum tuflihuun.**

*Allah fourni provisions à bane ki Li ouler sans rende compte à personne. Montrer patience, supporter avec patience, tini ferme et suivre chemin Allah afin ki ou prospérer.*

**Rabbi inni zalamtu nafsii faghfirli. Wa huwas Sami'ul Aliim.**

*Ô mo Maître, mo fine faire du tort à mo-même, pardonne-moi. C'est Toi Qui écoute et conne tout.*

### **DUAHS AU COURS DE L'ANNÉE 2001 KAN PERSÉCUTIONS TI PÉ DONNE BALLES.**

**Rabbin surrni 'alal qawmil-mufsideen.**

*Ô mo Maître [Rab], aide-moi contre bane fouteurs désordres.*

**Rabbi bima an 'amta 'alaya falan akuna zahiral-lil-mujrimin.**

*Ô mo Maître, à cause To fine faire moi miséricorde, jamais mo pou aide bane criminels.*

**Rabbi najjini minal qawmi-zaalimeen.**

*Ô mo Maître, sauve-moi de bane dimounes injustes [ki faire Zulum].*

**Rabbi inni lima anzalta ilayya min khairin faqir.**

*Ô mo Maître, mo bizin en vérité tout faveurs ki To capave déverse lors moi.*

**Rabbi laa tazarnii fardanw-wa anta khayrul waarisiin.**

*Ô mo Maître, pas laisse moi seul et To le meilleur de bane héritiers.*

**Rabbi najjini wa ahli mimma yamaluun. Wa inna Rabbaka Lahuwal Azizur-Rahim.**

*Ô mo Maître! Sauve-moi et mo famille de saki zot pé faire. Et ou Maître Li en vérité le Tout-Puissant, le Très Miséricordieux. (Recevoir le 3 janvier 2001 après Namaz Fajr)*

**Rabbana inna-naa nakhaafu ayy-yafruta alaynaa aw ayy-yatgha. Rabbi inna qawmii kazzabuun.**

*Ô nous Maître, nous peur ki li maltraite nous, ou bien ki li agir mal envers nous. Ô mo Maître mo peuple dire mo ene menteur.*

**Rabbi habli hukmanw-wa al-hiqni bis-saalihiin. Wajal li lisanaa sidqin-fil aakhireen. Wajalnii miww-warasatin jannatin-na'im. Wa laa tukhzinii yawma yub'asuun.**

*Ô mo Maître, donne moi la sagesse et faire moi joindre bane [ki To fine accepter comme] bons. Et faire ki dimounes après moi parle de moi en bien. Et faire moi vine ene héritier jardin paradis. Pas mette la honte lors moi jour résurrection.*

Kan mo gagne révélations, mo transpire beaucoup et mo gagne beaucoup l'angoisse, le corps crazé, fermal et gagne triste. Allah de par So grâce révèle moi sa bane *duahs* là :

**Rabbi najjini min ghammi.**

*Ô mo Maître [mo Allah], débarrasse moi de mo chagrin.*

**Laa Ilaaha Illa anta subhanaka inni kuntu minaz-zaalimeen ma daa bihi mahmumin wa laa makrubun wala madjunun fi yawmin talaata marratin illa-s-tujibalaa.**

*En vérité, pas ena aucaine les autres bondiés excepter Toi ! Gloire à Toi ! Mo ti au nombre de bane injustes. Pas ene kit ennuyé, ni angoissé, ni affligé, ni endetté [ki Allah pas pou aider par sa].*

**Allahumma 'agnini bil 'ilmi, wazayyinni bil' hilmi, wa'akrimni bi taqwa, wajammilni bil afiyah. Bismillahil-lazi laa ilaaha gayruhur Rahmanir-Rahim. Allahumma addhib annil hamma wal hazan.**

*Ô Allah, enrichi-moi de bane connaissances, enveloppe-moi de douceur, honore-moi de piété et embellir-moi avec la santé. Au nom d'Allah, pas ena kit les autres divinité aparte Li, Le Clément, Le Miséricordieux. Ô mo Seigneur! Écarte de moi, l'angoisse et la tristesse.*

**Rabbi arzihu jaza'a 'an awfa. Rabbi ahsan zawjati. Rabbishfi zawjati haza, waj'alna bara kaatin fis-samaa'i wa barakin fil arzi. Rabbi zidni umri wa umraka, fahfazni min kulli-afatin.**

Ô Allah donne li (mo madame) tous bane récompenses. Ô Allah donne mo madame la santé. Ô mo Seigneur donne la santé ma madame et donne li bénédiction lors la terre et dans le ciel. Ô Allah pas gaspille mo la vie et la vie de mo madame, sappe nous de tout malheur et protège et épargne nous de bane problèmes ki capave arriver.

**Ô mo Seigneur protège moi contre ça peuple ki pé commence ridiculise moi. Ô mo Seigneur manifester Toi lors moi, manifester Toi lors moi. Ô mo Seigneur pas quitte aucaine kitchose ki pou humilier moi.**

*Insha-Allah*, mo pou continuer lors sa bane *duahs* révélés là la semaine prochaine.

### **RÊVE DE MUKTHARUDDIN SAHIB DE TAMIL NADU – L'INDE.**

*Alhamdulillah*, trois jours de cela, mo cher disciple Muktharuddin Sahib de Coimbatore fine faire ene grand rêve kot li trouve li dans ene la ville ki appelle « Nagore », et ti ena beaucoup dimounes et sa bane dimounes là fine alle dans ene Masjid et zot fine invite li pou vine zoine zot endans, mais Muktharuddin Sahib fine refuser. Alors, bane là dire li : « *Nous tous ensam et nous dans la joie, mais toi to tousel et to tellement triste ki to pareil couma ene orphelin.* » Kan zot fine dire sa, Muktharuddin Sahib pas fine dire zot nannié, et après sa zot fine aller. C'est à ce moment là ki mo cher disciple tende ene la voix ki dire li : **« *Zot pé réjouir de sa la vie ici-bas là tousel, tandis ki toi, to pou dans le plaisir de la vie après la mort, et pas zot !* »**

**Subhan-Allah, Allahu Akbar !** Sa c'est ene bon nouvelle extraordinaire. Guette couma Allah réconforte So bane bons serviteurs!

Alors, mo terminer pour aujourd'hui avec ene *duah* révélé, et mo encourage tous mo bane disciples faire sa *duah* là et reste en contacte avec *Namaz/ Salaat, duahs* et *Zikrullah*, sans oublier lecture du Quran. Alors, mette zot confiance en Allah et lire sa *duah* là:

**Subhanakallahumma Rabbana wa bi-hamdika, Allahummaghfir li.**

**Gloire à Toi, Ô Allah, et tous bane louanges pou Toi. Ô Allah, pardonne-moi. Ameen. Summa Ameen, Ya Rabbul Aalameen.**